



Republika e Kosovës
Republika Kosova - Republic of Kosovo



KOMISIONI I PAVARUR PËR MEDIA
NEZAVISNA KOMISIJA ZA MEDIJE - INDEPENDENT MEDIA COMMISSION

“Kujtesa Net” SH.P.K.
Drejtore: Florent Perjuci
“STAR MOVIES”
Rr. Pashko Vasa
Prishtinë

Vendimi LIC/PSP-CIMC: 2009/16
Ref: 0910/1814/CIMC/II

VENDIM

*lidhur me aplikacionin për licencë të ofruesit të shërbimeve programore “STAR MOVIES” -
Prishtinë*

Fakte

1. Këshilli i Komisionit të Pavarur për Media (KPM), duke vepruar në bazë të Nenit 2.5 dhe Nenit 11 të Ligjit për KPM-në Nr. 02/L-15 ka nxjerr Rregulloren e Distributimit Kabllor të Programeve Radio Televizive në Kosovë (CIMC 2007/04) e cila ka hyrë në fuqi më datë 06 korrik 2007.
2. Në bazë të Nenit 16 të Rregullores CIMC 2007/04, KPM ka krijuar bazën ligjore për licencimin e Ofruesve të Shërbimeve Programore, të cilët do të kenë mundësi të prodhojnë programe përmbajtësore të cilat do të transmetohen vetëm përmes operatorëve kabllorë.
3. Më 19 mars 2009 Ofruesi i Shërbimeve Programore ka paraqitur në KPM aplikacionin për Licencë të KPM-së.

Arsyetim

4. Në bazë të nenit 16.4 të Rregullores 2007/04, Ofruesit e Shërbimeve Programore do të rregullohen sikurse subjektet transmetuese.
5. Kandidati për licencë të KPM-së “STAR MOVIES” në aplikacionin e tij ka paraqitur të dhëna për Licencë të KPM-së, për të ofruar shërbime programore dhe në pajtueshmëri me Nenin 16 të Rregullës CIMC 2007/04 ofruesi i shërbimeve programore “STAR MOVIES” ka paraqitur të gjitha të dhënat e nevojshme për licencë të KPM-së.
6. KPM vlerëson se kandidati “STAR MOVIES” ka ofruar informacione të mjaftueshme për vlerësim të aplikacionit, të cilat mund të konsiderohen si informacione bindëse lidhur me skemën programore në përgjithësi, duke paraqitur një strukturë të qartë organizative, informacione rreth aftësive profesionale dhe menaxheriale për të udhëhequr me ofrues të shërbimeve programore.


7. Në pajtim me nenin 16.4 të Rregullores 2007/04, Ofruesi i Shërbimeve Programore "STAR MOVIES" do të vepron në pajtueshmëri me të gjitha rregullat dhe aktet tjera nënligjore të nxjerra nga KPM në pajtueshmëri me Ligjin e KPM-së, si dhe ligjet tjera të zbatueshme në Republikën e Kosovës.
8. KPM vlerëson se ofruesi i shërbimeve programore "STAR MOVIES" ka përmbushur kriteret për kualifikim për licencë të KPM-së.

Vendim

9. KPM konkludon se "STAR MOVIES" ka aplikuar për licencë të KPM-së dhe ka ofruar të gjitha të dhënat e nevojshme për të ofruar shërbime të programeve përmes sistemit kabllor.
10. KPM vendos që, ofruesit të shërbimeve programore "STAR MOVIES", me seli në Prishtinë, t'i lëshoj licencën e KPM-së për të vepruar si Ofrues i Shërbimeve Programore në Republikën e Kosovës.
11. Në bazë të Nenit 3.2 të Rregullores për Distributim Kabllor të Programeve Radio Televizive në Kosovë, licenca e të shërbimeve programore "STAR MOVIES" do të jetë valide për një periudhë prej dhjetë (10) vitesh, me mundësi vazhdimi nga ana e KPM-së.
12. Në pajtueshmëri me Nenin 10 të Rregullores CIMC Nr. 2007/04, çdo Ofrues i Shërbimeve Programore duhet të paguajë taksën vjetore. Niveli i taksës vjetore për licencim të OSHP është i përcaktuar me Nenin 5.2 të Vendimit për Nivelin, Mënyrën e Përcaktimit të Pagesës së Takës për Licencim të Operatorëve Kabllor dhe Ofruesve të Shërbimeve të Programeve përmes Kabllos (CIMC 2007/05).
13. Në pajtueshmëri me Nenin 6.2 të Vendimit (CIMC 2007/05), ofruesi i shërbimeve programore "STAR MOVIES" duhet ta paguajë taksën e parë vjetore për licencë jo më vonë se 14 ditë pas pranimit të Licencës.
14. Ofruesi i Shërbimeve Programore "STAR MOVIES", mund të fillojë transmetimin e programit vetëm pas nënshkrimit të Pakos së Licencës së KPM-së.

Lëshimi i Vendimit


15. Këtë vendim e lëshon Këshilli i KPM-së.


Argjentina Grazhdani
Kryesuese e Këshillit të KPM-së.

_____ date

Vërtetim

Me këtë vërtetohet se Këshilli i KPM-së ka marrë këtë vendim në pajtueshmëri me rregulloret dhe ligjet e aplikueshme në Kosovë, dhe në pajtueshmëri me rregullat e procedurës së KPM-së.


Naife Selimaj Krasniqi
Shefe Ekzekutive

07.10.2009
date

